

**Kalifonias Phab Pabcuam Kev Nojqab Haushuv, Phab Saib Kabmob Raws Cajces,
Txoj Kev Pabcuam NBS
Txoj Kev Tsocai Rau Kuaj Tshawb Kabmob**

Kev Koomtes Nrog, Lub Homphiaj, thiab Cov Kev Kuaj
Peb xav thov kev koomtes los ntawm koj rau txoj kev kuaj tshawaj kabmob uas lub xeev Kalifonias Phab Pabcuam Kev Nojqab Haushuv tabtom ua los sojntsuan txog cov kabmob hauv cov menuam mos liab. Txoj kev kuaj no yog siv cov ntshav uas twb nqus ntawm tus menuam mos liab uas yuav coj mus kuaj nrhiav lwm yam mob lawm.

Kev Qhia Txog Cov Kev Tsis Zoo

Peb tsuas yog yuav qhia tuaj rau koj thiab koj tus kws khomob thaum uas tus menuam mos liab yuavtsum tau mus kuaj ntxiv lossis khomob ntxiv nkaus xwb. Yog tias peb hu lossis sau ntawm tuaj rau koj, koj yuav raug muab xa mus rau kws khomob thiab nws yuav qhia rau koj txog tus kabmob ntawd thiab txoj kev khomob uas yuav siv los kho tus kabmob ntawd. Txoj kev kuaj pom tej yam txawv tsis tau txhais hais tias nws muaj ib yam kabmob tsis zoo. (Kwvyees li 90% ntawm cov menuam mos uas kuaj pom tej yam txawv yuav tsis muaj cov kev mob uas tsis zoo.) Nws muaj ib feem meme uas txoj kev kuaj li no yuav nrhiav tsis pom tus kabmob uas phem ntawd. Yog tias cov ntshav uas nqus tau ntawm tus menuam mos liab los ntawd tsis zoo siv los kuaj, peb yuav tsis kuaj.

Kev Qhia Txog Cov Kev Zoo

Yog tias koj txiatxim siab los koomtes nrog txoj kev kuaj tshawb kabmob no, thiab yog tias peb kuaj pom tias koj tus menuam mos muaj ib yam kabmob phem, txoj kev ntxov nrhiav pom thiab ntxov kho yuav txwv tau kom tsis txhob muaj teebmeem kev tu-ncua rau lub cev thiab rau lub hlwb, lossis txwv kom tsis txhob muaj kev ploj-tuag.

Peb xav qhia rau koj paub tias qee yam kabmob phem no, cov kev khomob uas luag muaj tamsim no tej zaum yuav kho tsis tau kom tus mob ntawd zoo.

Yog koj koomtes nrog txoj kev kuaj tshawb kabmob no, twb yog koj pab lub xeev Kalifonias Txoj Kev Pabcuam Kuaj Menuam Mos Liab kom paub tias yuav tau ntxiv cov kev kuaj kabmob twg rau cov menuam yaus rau yam tom ntej. Qhov no yuav pab tau cov menuam mos liab uas yug los yeej muaj cov kabmob phem no lawm.

Kev Tsocai

Kuv tau txais thiab tau nyeem lossis muaj tus tau nyeem daim ntawv *Cov Kev Qhia Tseemceeb rau cov Niamtxiv txog txoj kev Kuaj Kabmob hauv cov Menuam Mos Liab*, daim ntawv tsocai no thiab *Kalifonias Tsab Kevcαι Tswj Cov Neeg Uas Koomtes Nrog Txoj Kev Tshawb Kabmob Cov Cai* thiab muaj tus tau teb kuv cov lus nug raws li kuv lub siab nyiam lawm.

***Cov neeg ua haujlwm hauv lub tsev yug menuam yuav muab daim ntawv no rau koj, thiab lawv yuav
hais kom koj suam koj lub npe rau daim ntawv no.
Tsis txhob suam npe rau daim ntawv no thaum koj tseem mus kuaj kev xeebtub nkaus xwb.***

Yes, kuv xav kom kuv tus menuam mos liab muaj kev koomtes nrog txoj kev kuaj tshawb kabmob no.



No, Kuv tsis xav kom kuv tus menuam mos liab muaj kev koomtes nrog txoj kev kuaj tshawb kabmob no.



Niamtxiv npe

Hnubtim

Tus Neeg Ua Povthawj

Hnubtim

**TUS TIBNEEG UAS KOOMTES NROG KALIFONIAS TXOJ KEV
NRHIAV KABMOB COV CAI**

Txhua tus tibneeg uas raug hais kom los ua ib tus tibneeg rau luag sim thiab nrhiav kabmob, lossis tus uas raug hais kom los ua tus muab kev tsocai rau lwm tus, muaj cov cai li hauvqab no.

- a) Muaj cai kom luag qhia rau txog lub homphiaj thiab txoj kev uas yuav los sim thiab nrhiav kabmob ntawd.
- b) Muaj cai kom luag qhia rau txog cov kev uas yuav ua hauv txoj kev sim thiab nrhiav kabmob ntawd, thiab cov tshuaj lossis koom siv uas yuav siv rau nws yog dabtsi.
- c) Muaj cai kom luag qhia rau txog tej kev mob thiab kev tsis zoo uas tej zaum yuav muaj los ntawm txoj kev sim thiab nrhiav kabmob ntawd.
- d) Muaj cai kom luag qhia rau txog qhov zoo lossis cov kev yuav pab tau rau tus tibneeg uas raug sim thiab nrhiav kabmob ntawd los ntawm txoj kev sim thiab nrhiav kabmob ntawd, yog hais tias muaj.
- e) Muaj cai kom luag qhia rau txog lwm cov kev kuaj, tshuaj noj, lossis khoom siv uas luag muaj thiab yuav zoo rau tus tibneeg uas raug luag sim thiab nrhiav kabmob ntawd, thiab cov kev phem thiab cov kev zoo lossis yuav pab tau los ntawm tej yam ntawd yog dabtsi.
- f) Muaj cai kom luag qhia rau txog cov kev uas yuav tau mus kho tus tibneeg uas raug luag sim thiab nrhiav kabmob ntawd yog tias txoj kev sim thiab nrhiav kabmob ntawd ua rau nws muaj mob.
- g) Muaj cai kom luag muab sijhawm rau nws los nug txog txoj kev sim thiab nrhiav kabmob lossis cov kev yuav ua hauv txoj kev sim thiab nrhiav kabmob ntawd.
- h) Muaj cai kom luag qhia rau hais tias tus tibneeg uas tsocai rau luag sim thiab nrhiav kabmob ntawd muaj cai thim thiab tsis kam koomtes nrog lawv ntxiv lawm tau txhua lub sijhawm.
- i) Muaj cai kom luag luam thiab muab daim ntawv uas nws suam npe tsocai ntawd rau nws.
- j) Muaj cai kom luag muab sijhawm rau nws los xav thiab txiatxim siab tias saib puas yuav koomtes nrog txoj kev sim thiab nrhiav kabmob ntawd yam tsis raug leejtwg yuam, ntxias, dag rau, hem, haub, lossis siv nws lub hwjchim los yuam kom ua.